

古今聯語彙纂集

下冊

哀輓 辭宇 學校 會館 戲臺
雜題 投贈 諧謔 諺語 雜綴

上海商務印書館

哀挽六

南通顧姓谷曾烜吏於秦浮沈匝歲始爲懷寧中
丞所知間一二日召至節署談藝移晷每呈一
藁輒譽不容口關中故有志學齋猶江浙之惜
陰書屋詰經精舍也中丞購書數千卷甄錄英
彥勵以樸學姓谷爲都講其課屬吏試簾員並
無出姓谷之右者戊子秋相從入闈未卒事而
中丞歿姓谷感懷知遇挽以聯云

末吏隸旌麾都廳講藝官閣論詩獎許過
情未以衆人遇我 茲邦盛句率廣廈歡
顏謨觴溢目孤寒下淚猶將百世祀公

張東墅太守修府以詩文名於時官永州知府卒

於任王懷欽孝廉德基其門生也甫自奉天歸

古今聯語彙選四集 哀挽六

作聯挽之云

一代仰才名文柳州詩道州怪石蠻花下
筆得江山之助 半生負知己前出塞後
入塞西風落葉招魂從遼海而來

關中柏子後院長行端學粹當薦於朝南通顧姓
谷曾烜繼長志學齋子後子孝龍列姓谷門籍
者再姓谷亦嘗信宿其家子後卒姓谷挽以聯
云

君以宿儒爲九重所知丈席皋比碩德僉
尊鄉祭酒 我於令嗣有一日之長衡門
雞黍素交幸託古通家

泰州王子實先生輓其太夫子韓某聯云

三世互傳經衣鉢相沿我是門牆小桃李

九旬考終命斗山在望公眞兜率老神仙

錢塘丁修甫先生挽張寅伯師聯

大鳥講堂來易簀心安愧未坐隅親執燭
神龍鼎湖去抱弓身殉定歸奎宿主修

文

予挽玉虹師聯

溯十五齡時賦秋雲奔馬之詩謂此子當
早達有聲今何如耶一樣窮愁塞天地
期二三月裏以雕玉雙聯爲贈是去冬在
病榻中語伊可懷也等閒人事極悲涼

海陵王季徵挽業師徐仙厓明經聯

夕陽無限好公何遽迫桑榆請益重來怎

忍看寒林秋草 朽木不可雕我是未開
桃李相嚮而哭最難忘時雨春風

高等師範校友會挽周繼白劉峻卿聯

學者仰之萬古泰山北斗 吾道窮矣一
例嘆鳳傷麟

田金楠挽彭朗軒師聯

魂兮來歸吾曹忍繼宋玉而作賦 古孰
無死夫子乃從彭咸之所居

朗軒以舟覆溺死

袁寒雲挽劉申叔聯

有向歆文章若傳儒林應世及 知漢魏
故實嗟君絕學自天亡

霸陽蕭際雲名諸生才藝冠世終身不遇卒老死

山谷間有挽霍山某學生聯云

憶同堂三載諸生問字汝先來可憐瘦比
梅花在琴邊也在燈側也正虛懷就教祇
望蘭芬桂馥與人爭金榜功名那期忽忽
辭塵竟成了春夢半場曇花一現再安
硯九宮弱弟登門君未到遙聞魂歸蓬島
其妻殉之其父繼之想酸風苦雨定非艾
綠榴紅邀我醉蒲觴光景所以遲遲不弔
怕聽你白頭母哭黃口兒號

新建陳稻村道存集韓昌黎句挽經訓書院肄業

生王貞卿聯云

獨抱遺經究終始可憐無益費精神

趙曾望挽其高弟張蓉芷聯

古今聯語彙選四集 哀挽六

知之者不如好之者惟我與爾 斯人也
而有斯疾也曰天喪予

何幼聲君逝世其師趙伯倫挽以聯云

斯人也而有斯疾也 其夢耶傳非其真
耶

山陰孫君芬蘭勤苦好學在某校六學期曠課僅
三小時後入上海浦東中學校五月間病作攻
苦如恒及革始輟課未幾卒滬紹學界爲開會
追悼黃炎培先生挽聯云

痛哉伯仁蓋由我死 天乎龔生遂夭其
年

原跋云芬蘭仁弟來學不半載而殉余既親視疾
親與訣別親視殮送其親以行嗚呼余心碎矣復

何言

又吳江凌昌煥君聯

不厭不倦何有於我哉 斯人斯疾亡之

命矣夫

如臯名士石子清先生其子爲通州中學教員天

毀與之友而未獲識先生先生歿天毀輓之云

薛慎幸得與裴叔逸相交勸學敬教公有
遺訓 蘇軾以不見范仲淹爲憾生離死
別我亦傷心

析津穆伯祺駕部畢業北京大學師範科通德日

兩國文字澹於仕進宣統紀元三月廿三疾作

投水死其友毛鷺挽以聯云

是至性人那堪家難遞遭毀而滅性 非

無心者祇看狂瀾莫挽死最傷心

又方敦樂聯

料是人間無淨土 要從水底葬青天

某君劬於學亡命海外盡讀日本古書死後經年

尙一靈不泯蕭髯公挽以聯云

海外蒐奇書生不聞道毋寧死 屋梁照

顏色骨已成灰尙有魂

某君爲李執中先生門下士年少碩學殉於

東瀛蕭髯公挽以聯云

斯人也斯疾也草本無靈執手來遲慚自
牖 孰生之孰死之楚天難問傷心無語
慰其家

蕉嶺徐繼文畢業南洋公學得工學士早卒其兄

逼徵哀挽某君與徐無素挽之云

吾不識君如君兄言可慟已 工能救國
爲國家者無忽諸

又徐君之友蔡梅峯極惜其死偶爲某君言之

某君挽之云

聞諸梅峯此才真不易 瞻彼蕉嶺余情
其信芳

沈生起中福隆在蘇州公立中學肄業以疾卒同

學章慰高挽以聯云

入則孝出則弟不幸短命 誦其詩讀其
書尙論古人

又顧爲屏聯

君已死挽復何益 我無言痛則填膺

古今聯語彙選四集 哀挽六

四川通省師範學校學生某櫻病誤藥死於校監

督徐子休挽以聯云

不知醫而醫古有此醫士乎危哉世有黃
種 可以死則死今猶非死所也痛矣我
之青年

雲南師範學校學生挽同學聯云

比唐衢生未成名遊跡空留金馬寺 效
劉伶死便埋骨歸魂先到石虬亭

奉天海城縣立師範學校完全班第一班學生馮

耀堂於民國元年陰曆八月十四日告假旋里
時已將暮行至中途遇大風雪寒甚遂凍死於
路學監陳國棟挽以聯云

天獨何心竟教一寒至死 士各有志不

肯餘熱因人

乙卯年吉林省立第一師範學校第六班生常德

明因赴團山子察視火災情形在船上失足墜

江而死時在端午節前其同學挽以聯云

一帆風浪太無情公無渡河公竟渡河莫
向彭咸重挽駕 亂世蛟鯨不可狎神其
來享神其來格要從宋玉與招魂

吉林省立第一師範學校第六班學生蔡雲岫患

喉症逝世其同學挽以聯云

人生到此天道寧論死者長已矣 風雨
如晦雞鳴不已吾黨其念之

慈利吳悔晦澧州學生樊學道聯

爲君請車是神交所許 異日過墓知腹

痛如何

又聯

續歐陽生哀詞誰爲載筆 痛長爪郎末
路吾欲廢書

又挽姚海秋武舉聯

生蹈龍宮沈冤又泣汨羅水 死攜驥子
併命同悲周氏汪

又挽朱生乾四聯

李觀弱齒烏倮雄賞陳紀名門豐命嗇年
君死大酷 文水經廬陵谿旅夕蘭江試
日撫今追昔我悲無窮

又挽吳生鵠村聯

繫吾宗三世如線之延隕趙孤兒鬼其餒

憶漁浦一堂似雲而散慟顏短命天無

知

又挽胡生詎凡聯

自黎冰次以還稱及門好學而短命死

哭胡詎凡不作爲中國少年之前塗危

又代人挽安鄉學生章某聯

同學少年不生中國少年不死 人才今

日難得天心今日難論

白慶笙能文改習醫學成而卒錢夢鯨先生挽聯

云

從吾遊有年下筆如流三峽水 恨汝不

立志回頭已是百年生

又挽白友梅秀才聯

古今聯語彙選四集 哀挽六

逝矣先生誰復於小子齋頭誦先儒格言
相期千古 異哉此老孰能於經師席上
作頭陀行徑坐化崇朝

劉嘯園挽門人吳仲和聯

一見便傾心記曾風雨忘歸幾度聯床曾
有約 五年遽分手却恨文章憎命兩番
入彀總成空

田金楠挽康子潤聯

讀書憶屈子祠蛩駉相依往迹難忘醉酒
地 聽雨懷長公句鵲鵲永痛此生無復
對床期

又挽楊生子衡聯

天生此才乃竟厄以年聞聲同悲太息來

者誰嗣 吾長一日而先哭其死痛逝自
念不知涕之何從

某君挽學生聯

生不幸而以病死 我於茲尤歎才難

光復後浙江上虞知事嵯人史夢占者謹愿士也

時軍事繁催科甚急史未諳簿書爲吏胥所弄

致虧官款憤而自經遺書多自責語嵯人挽以

聯云

無鬼不死人太息上虞成鬼國 有書徒

責己可憐知事是書生

相傳清初上虞某令亦坐事自縊死署中史下車

日曾遇之故上聯云

又上虞士紳公挽云

孰殺子產 我負伯仁

通州張退庵先生子敬儒爲救火會長以救火感

疾死孟心史挽之云

西河道義投杖增悲家督職共爲蕭育不
慚名父子 東野知交亡琴永歎江碑死
勤事仲行奚止百夫防

又南通習位思聯

因救災一病而傷其生道路悲哀豈爲私
交哭公子 論同學少年莫賤於我江湖
憔悴便至老死愧庸人

又南通徐宇春振中聯

嗟故人體難敵事之勞盡瘁鞠躬爲鄉里
使老父慟不忍視其斂傷心慘目况妻

兒

又于香谷振聲聯

烈烈殉名何水濡火熱可言一夕愁心隨
劫盡 英英勦業以利用厚生自見百年
佳氣歎才難

又聯

救裁致疾死已成名無乃高年失愛子
對我譚兵情猶足念更爲亂世惜英才

吳悔晦之門人王師禹以督修隄工爲盜所戕悔

晦挽以聯云

捧土待塞孟門累君作麥寨郎選橫死
結纓俟悲季路待我挽洞庭水祓不祥

江寬失事死者數百人胡正卿挽以聯云

古今聯語彙選四集 哀挽六

疾首蹙頰而相告曰 傷心慘目有如是
耶

又王君保式聯

今其從屈大夫地下而遊痛諸君墮落塵
寰真個銜冤沉水底 實非有伍相國生
前之忌願大家超昇樂國不教含怒立濤
頭

又曾若渝聯

有冤的報冤有仇的報仇此番奇禍飛災
想無數陰魂定向空冥叫閻闔 天助自
助者佛度自度者參透前因後果這一場
噩夢請從泡影證真如

又上海中國濟生會鄂賑事務所聯

東去大江數萬古沈冤雲時樓艣橫衝空
說老謀能詛楚西望夏口贍千家野哭
更甚家居撞破難從彼岸與逃秦

又漢口總商會聯

大地漸陸沈試看南北潮涵東西氛惡那
一片是乾淨土人而至此不如死休涕淚
勸諸君且落得亂耗弗聞待逢海晏河清
再來陽世生命同朝露可歎干戈雲擾
疫癘風行能幾家無哭泣聲天乎何爲尙
未悔禍倉皇悲浩劫乃適從空江相聚好
就屈忠曹孝共證仙班

黃梅初死普濟之難其兄溯初搗魂歸葬臨發孟
心史挽之云

同行如此多士託命如此漏舟蹈海亦奇
冤不幸無端生季世承業少一長材克
家少一令子臨江餘別淚何辭可以慰賢
昆

徐班侯侍御夫婦於上年同罹普濟之厄袁思永
挽以聯云

白首偕歸山好竟無埋骨地傷心一哭
陸沉同是覆舟人

丙辰杭垣聯橋大街火斃多人朱鏡芙挽某商云
男非介之推女非宋伯姬呵壁問天只是
茫茫漠漠生入貨殖傳死人還冤志千
秋片刻斯真烈烈轟轟

朱伯榮丙榮生時寡歡死不以正所交儕偶莫不

悼歎時朋好中有劉璣園者挽以聯云

爲子而孤爲夫而鰥爲措大而窮是冰霜
鍊就文魔歌哭訴錢神青衫萬古傷心淚
其憂也隱其病也痼其短折也兇想風
雨銷將冤魄牢愁弔山鬼白拾重泉掉臂
行

某君工詩詞性倜儻有嗜好中年嘔血死蕭髯公

挽以聯云

是血是詩嘔盈錦繡囊中李長吉生不快
活非仙非佛占得芙蓉城主石曼卿死
亦風流

湯蟄仙挽朱俠平同年聯

左持蟹螯右持酒杯看世界糊塗不如沈

古今聯語彙選四集 哀挽六

醉 我爲魚肉人爲刀俎兼自家殘殺何
以生存

俠平改革後隱於酒一日食蟹大醉卒

甘氏非園六月間有園丁食瓜殞命園主人囑潘

蘭史代挽以聯云

頭銜獲署花農算不虛生廿二年華憐太
短 肺腑難勝瓜戰緣何示疾大千塵劫
本無常

彭文超憂憤時事自沈於水而死王康山聯云

漩渦不可磯沉湘敢掬清流水 孤忠應
共諒抱石難疵白玉瑕

又聯

誰忍爲醒鄙夫不解沉江恨 可以無死

十一

壯士空懷愛國心

無錫蔣可亭因病蹈水死時爲中日馬關訂約之

後裘葆良君挽以聯云

公死大奇將毋義憤填膺視三尺清溪爲

魯連東海 魂歸何處忍令溯洄在水持

一樽濁酒弔屈子南湘

清季閩留日學生陳天聽憤外交之失敗投海而

死遺書勵國人伸種族大義國人哀之有自署

傷心人者挽以聯云

桑梓河山先生乎毋乃太愒 刀俎魚肉

後死者何以爲情

北京大學文預科生郭欽光以國事嘔血死潮安

城南學校挽以聯云

好男兒義憤填胸不自由無寧死 大丈夫
熱誠愛國有殺身以成仁

郭欽光既歿廣東學界在高等師範學校開追

悼會農業學校挽聯云

憑赤手而殺賊 執鋤耰以從君

哀挽七

陸祁生代洪北江挽浣青夫人聯

先司寇玉樹頻摧回憶師門此日更深梁
木感 太夫人紡絲在御若論婦德他年
何止錦囊傳

王湘綺挽蕭岷山母聯

長郎許入禁廷名譽動公卿誰知畫荻丸
熊苦 新婦初諳食性晨昏奠羞膳猶是
陔蘭汨鯉心

又挽蕭玉衡之母周太夫人聯

樛木頌綏成委佩庭前冬日煦 葛覃勤
澣濯擣衣砧畔曉霜寒

又挽吳福茨母聯

古今聯語彙選四集 哀挽七

單車就道愴星奔此義幾人知素韞三年
由母教 兩子夾河榮祿養食貧當日事
金扁五鼎報親恩

又挽李次青母喻氏聯

兼富貴壽考以著徽音儒素顯清門五承
鳳誥賢名大 歷困苦危亡而終榮養碑
銘追往事一到瀧岡涕淚多

又挽常晴生母聯

以不死濟忠臣烈婦之艱虎口奪諸孤顰
輓衿纓今繞膝 當中年見國家興衰者
再驚峯參六觀老生病苦不關心

又挽郭提督母聯

篤誼荷天題聖母深褒賢母德 中興育

名將郭家堪並李家榮

吳勛之先生熙代定波挽歐陽母莫太淑人聯

鰥生焉敢望東坡六一翁獎借殷勤謂此
子也才能得船山言外意 賢母亦知愛
公瑾八十載起居存問痛於今不見空登
孫策道南堂

原注定波與太淑人之季子季林相善鮑叟在時
聞定波評通鑑論輒於空窾處得其用意劇賞之

曰子誠善讀船山書者

又代紫谷道人挽李母傅太孺人聯

有賢母八十載苦節撫孤寢門孝子閭里
能人憑依丹穴以財雄實由善報使然富
家大吉 用乃祖五千言仰資冥福紫氣

朝來綠章夜奏辭別黃鄉徑仙去豈但幾
生修到無疾而終

原注云太孺人守節數十年撫孤成立子潤生貨
殖鉅富事母恭順居市井善排解不受人錢帛人
欽佩之母壽至八十無疾而終請紫谷爲作道場
云

又挽羅母熊太夫人聯

儒臣官伏鄭之鄉後二千年登岳長謠繼
踵大師傳絕學 賢母得軾滂爲子壽八
十歲淩雲一笑慰心晚節抗前修

原注云太夫人爲順循學使正鈞之母順循官山
東提學鄙厭新學其不徇時尚可知國變後有大
力者以書招之高臥不出蓋志節之士也母壽至

八十乃終順循年亦六十矣

又代匡策吾挽羅母熊太夫人聯

長君爲湘上琳瑯自宦遊青岱歸來倦臥
東山人已老 壽母愛谷中蘭菊

其母不樂城居

能留住白雲不出仰望北堂天更高

又挽和笙老人聯

因人作遠遊於詩辭外喜作倚聲將江南
煙花雲水盡收入月管風簫倦仍枯坐空
諸有 中年頗好道自國變後換披羽服
舉世上狐媚梟雄都看作蛇神牛鬼狂到
無情不可非 君有無情便許狂之句

原注云君姓李辛亥八月之變從張彪營中逃歸

遂棄子衿改道人裝安命忘貧一遺老也

古今聯語彙選四集 哀挽七

俞曲園挽嚴母王太夫人聯

父在名宦祠夫在鄉賢祠子在昭忠祠女
在節孝祠相見黃泉死猶生也 德可先
賢傳行可逸民傳才可文苑傳年可耆舊
傳有光青史女而士乎

張寄庵挽徐母金太夫人聯

昔聞西極爲仙聖所都黃竹哀迎金母馭
今爲南州致清高之弔白茅義重玉人
芻

又挽劉蔭人母聯

季能侍養宦成而仲適歸與侍終以視鮮
民其幸遠矣 再方無父訃至而君又悲
其無母誰非人子烏庫哀哉

古今聯語彙選四集 哀挽七

范肯堂挽徐子文之母聯

吾友稱嫂氏不容於辭糠覈無飢七誠真
聞叔譽己 太君有賢郎實秉其訓菜羹
能飽一生未欲壻求人

又挽達品三母聯

少時同公子文游再拜瞻衣最服清堂能
守禮 弔日話家人瑣事百般况瘁依然
老境未回甘

李蕤客挽李相母李太夫人聯

槐鼎熊茵甲第雙迎武韓國 鞠衣蜜印
養堂專祭定夫人

上聯用舊唐書李光弼傳李母韓國太夫人李氏
事下聯用晉虞潭母孫太夫人事

四

俞曲園挽孫師鄭之祖母楊太恭人聯

天家以壽母褒封耄耋大年已屆八旬有
八歲 泉壤有賢郎隨侍後先偕逝競傳
同日不同時

師鄭之尊人步青封翁事母至孝年逾五十猶殷
殷孺慕跬步不離癸巳年楊太恭人已八十有八
矣封翁奉母命率其仲季兩子赴金陵應秋試七
月二十四日驟覺心痛卽得太恭人病危之電恩
邊登程慟絕於三山門外舟中宣統元年里人撫
其孝行具呈禮部奉旨旌表孝子入祀忠義孝悌
祠

楊蘇父先生挽李方伯太夫人聯

是人間壽佛是當代女宗寵賁鸞書迭見